Da Bologna, di 27 del passato, al marchese di Mantova. Scrive, l'imperator ha operato con Nostro Signor che si contenta che el signor duca di Ferrara venga qui per tratar lo accordo di le cose sue, et cussi s'è scrito a sua excellentia, et offertoli, volendo venir, il salvoconduto. Hozi li è stato scrito, et dimane si aspeta la risposta.

Et noto. In lettere di l'orator Venier, di Ferrara, scrive a la Signoria se la vol che 'l vadi a Bologna col signor duca, per esser stà cussì richiesto da soa excellentia: et per Collegio fo scrito che l'andasse.

Gionse hozi poi disnar sier Marco Dandolo dotor et cavalier, stato orator a Bologna, insieme con sier Gasparo Contarini stato orator al papa mexi 21 et mezo, sichè tuti cinque oratori è ritornati, stati con gran reputatione del nome veneto, li 4, zorni 43 tra l'andar et tornar. In la qual legation, come diceva Zuan Dolfin rasonato, che è quello ha fatto la spesa, è stà speso da ducati 4 Hor intesi da sier Gasparo Contarini che, hessendo partiti li tre oratori la domenica matina, restato solo il Dandolo et lui, la Cesarea Maestà credendo non fusseno partiti li mandono a caxa, per uno suo, 5

3 borse, in le qual erano, in una, cento et cinquanta monede di Portogallo d'oro di valuta di meglio di ducati 10 l'uno, cruciati, che è una belissima moneda, zoè ducati 1500, et questo volse fusse di esso sier Gasparo Contarini, et in le altre 4 borse, cento di queste monete di ducati 10 l'una, che è ducati 1000 per borsa, pur di Portogallo. Le qual borse mandava a donar una per uno a li 4 oratori nostri. Et perchè crano partiti, dete la sua al Dandolo et le altre tre consignoe al prefato sier Gasparo le desse a li altri tre oratori zà partiti. Li qual danari li ha portati domino Andrea dal Borgo a nome di Cesare.

A dì 4, la matina. Veneno in Collegio, reduti tuti a San Moisè, li 4 oratori sopraditi, tre di loro in veludo et il Mozenigo in scarlato, acompagnati da tre Procuratori solum, sier Luca Trun, sier Jacomo Soranzo, sier Antonio Mocenigo, et in Colegio referite sier Lorenzo Bragadin longamente et

molto copiosa. Et perchè tre di loro haveano portà le borse con li ducati 1000 per una ut supra, mancava quela del Dandolo, sier Francesco Foscari el consier non voleva i referisseno se prima non ne portaveno li danari. Et fo trovà la parte che vol tre zorni poi zonti debano apresentar ogni don hauto, in la Procuratia. Fo lassà adunca referir et ordinato, tuti quatro li porti in la Procuratia, justa la leze.

Fo terminato, che in Pregadi, prima referissa sier Gasparo Contarini, qual vegnirà domatina, et poi sier Marco Dandolo dotor et cavalier, che è il più vechio.

Di Franza, fo lettere questi zorni in el suo orator qui existente, di 19, da Molines. Come il re con la corte partiva per Bles, et a la fin de marzo andarà a Baiona a tuor li fioli et sua moglie, madama Lionora sorella de l'imperador. Et li danari li dia dar dicono è insacadi tuti. Et che monsignor Gran Maistro et monsignor episcopo di Borges, per il re, dieno andar in Spagna avanti, et cussi monsignor de Prata et il contestabile di Castiglia, oratori di Cesare, partiriano per conzar tute le diferentie prima, aziò che non manchi si non zonzer il re et tuor li soi figlioli.

Da poi disnar, fo Collegio di la Signoria, et feno capi di le ordinanze di archibusieri, el nome di qual sarano notadi qui avanti.

Da Bologna, veneno lettere del Surian orator al Summo pontifice, di 2. Come era venuto lì il principe di Orangie dal campo soto Fiorenza, et havia al papa dito, volendo haver Fiorenza, bisogna dar tre page a le gente, che menterà ducati 300 milia, et 300 guastadori, il che havendo, spera haver Fiorenza. Unde il papa ha fato provision de ducati 150 milia, et del resto dice provederà, et trovato 1500 guastadori.

Di sier Nicolò Tiepolo el dotor, orator a l'imperador, di Bologna, di 2. Come li tre oratori destinati a la Signoria nostra si doveano partir il di seguente.

Di sier Gabriel Venier orator al duca de Milano, di Bologna, di 2. Come il signor duca non era sincier di febre. Et etiam si ha aviso di Franza, suo fradello duca Maximiliano

Da Ferrara, del Venier orator, di 2. Come il duca havia hauto letere da Cesare, che 'i vadi a Bologna, et cussi il di seguente partiria, et lui orator anderia insieme con soa excellentia.

Da Fiorenza, vidi lettere di sier Carlo Ca-